



Դանիել Վարուժան

Ամբարներ

Տընակին մեջ մըթըշադ, կըտուրին տակ հայրական.
Ամբարներն են, շար ի շար, նոր բերքերով ծոցվորած:
Իրենց լայնշի արգանդեն՝ թանձր բույրերը կու գան
Աշուններուն պըտղալից և արտերուն մանգաղված:

Հո՛ն է վիզը թըխահատ, հո՛ն է գարին իլաճ.
Հո՛ն, քամվելով ակոսեն ու հոսելով սարն ի վար
Ցորյանն հեղե՛ղ է կազմեր: Անոնք ոսկի և արև
Գըրկած կարծես թե ըլլան արշալույսներ ամպածրար:

Գերաններեն ծըխապատ, և մենավոր պատերեն
Սարդն անոնց վրա է փրռեր պատմութանները մոխրոտ:
Մերթ անոնց վրա կը ցաթեն շեշտակի լույս մը վերեն
Տատամսելե վերջ երկա՛ր շուրջն երդիկին արևոտ:

Անոնք իրենց ծոցին մեջ գանձերն հողին ծըրարած՝
Կարծես լըռիկ կը հեզնեն ձըմեռն ու սովը վաղվան...
Իրենց առջև, մըշտարթու, թավ պոչին մեջ ծըվարած,
Կը հըսկե տանը կատուն, Համբարուի մը նըման: